

《毛澤東評點二十四史》評文全本

叁

毛澤東



中央檔案館整理

《毛澤東評點二十四史》評文全本

中國檔案出版社
鷺江出版社

毛澤東

叁

侯居集

唐書卷九十四

宋 端 明 殿 學 士 宋 祁



列傳第十九

侯張薛

侯君集幽州三水人以材雄稱少事秦王幕府從征討
有功擢累左虞候車騎將軍封全椒縣子預誅隱太子
尤力王卽位拜左衛將軍進封潞國公邑千戶貞觀四
年遷兵部尚書俄檢校吏部尚書參議朝政李靖討吐
谷渾以君集爲磧石道行軍總管師次鄯州議所向君
集曰王師已至而賊不走險天贊我也若以精兵掩不

備彼不我虞必有大利若遁岨山谷克之實難靖然其計簡銳士約齋采入追及其衆於庫山大戰破之進會大非川平其國會詔世封功臣授陳州刺史更封陳羣臣不願封進吏部尚書君集本以行伍奮不知學後貴益自喜好書及典選分明課最有譽於時吐蕃圍松州授當彌道行軍大總管以擊之高昌不臣拜交河道行軍大總管出討王麴文泰笑曰唐去我七千里磧鹵二千里無水草冬風裂肌夏風如焚行賈至者百之一安能致大兵乎使能頓吾城下一再旬食盡當潰吾且係而虜之君集次磧口而文泰死子智盛襲位進營柳谷

張亮

集欲反耳。靖爲右僕射。君集爲兵部尚書。同還省。君集馬過門數步。乃覺。靖語人曰。君集其有異慮乎。後果如言。

張亮鄭州滎陽人。起畝畝。志趣奇譎。雖外敦厚。而內不情。隋大業末。李密略地滎汴。亮從之。未甚甄識。時軍中有謀叛去者。亮輒以告。密愛其誠。乃署驃騎將軍。隸李勣。勣以黎陽歸。亮頗佐佑之。擢鄭州刺史。會王世充取鄭。亮提孤軍。不敢入。亡命共城山。俄檢校定州別駕。勣討劉黑闥。使亮守相州。賊方盛。棄城遁。房玄齡以亮沈果有謀。白秦王引爲車騎將軍。隱太子將作難。命亮統

左右千人之洛陽陰結山東豪桀以備變。齊王告亮反。高祖以屬吏詰訊終無所言。乃得釋。王卽位。除右衛將軍。封長平郡公。累遷御史大夫。進封鄴國公。食益州戶五百。歷幽夏鄜三州都督。相州長史。徙鄴國。召拜工部尚書。亮爲政多伺察。發擿隱微。示神明。抑彊恤弱。所至有績。拜太子詹事。出爲洛州都督。侯君集已誅。以刑部尚書參預朝政。時茂州俚童張仲文自稱天子。有司論斥乘輿有罪當死。攝刑部尚書韋挺奏。童乃妖言。無死坐。帝怒曰。爾作威福于下。而歸虐朕耶。挺失據趨出。亮爲挺直之。帝曰。公欲取剛正名乎。亮不謝。帝寤曰。寧屈

我以申公之請、童免死。帝將伐高麗、亮頻諫、不納。因自請行、詔爲平壤道行軍大總管、引兵自東萊浮海、襲破沙卑城、進至建安營、壁未立、賊奄至。亮不知所爲、踞胡牀、直視無所言。眾謂其勇、得自安。於是副將張金樹鼓于軍、士奮擊、因破賊。及從帝還、至并州、乃得罪。初、亮棄故妻、更娶李氏。李妬悍、私通歌兒、養爲子、名慎。幾亮子顗數諫止、亮不納。李好左道、交通巫覡、撓政事。亮爲相州、假子公孫節以讖有弓長之主、當別都。亮自以相舊都、弓長其姓、陰有怪謀。術家程公穎者、亮素與厚。陰謂曰、君前言陛下眞天下主、何其神邪。公穎內曉、卽稱亮。

薛萬均

△△△

臥若龍。當大貴。亮曰：國家殆必亂，吾臂龍鱗奮矣。慎幾且大貴。公孫常者，節兄也。亮謂曰：吾有妾，相者云必爲諸王姬。常曰：我兄子大品言有神告，公名在讖書。亮悅。會陝人常德發其謀，并言亮養假子五百。帝使馬周案之。亮譟辭曰：囚等畏死見誣耳。因自陳佐命舊臣。帝曰：亮養子五百，將何爲？正欲反耳。詔百官議，皆言亮當誅。帝遣長孫無忌房立齡就獄，謂曰：法者天下平，與公共爲之。公不自修，乃至此，將奈何？於是斬西市，籍其家。薛萬均，本燉煌人，後徙京兆咸陽。父世雄，大業末爲涿郡太守。萬均與弟萬徹，因客幽州，以材武爲羅藝所厚。

八八八

薛方微

坐清宮不謹下獄憂憤卒帝驚悼爲舉哀詔陪葬昭陵後嘗賜羣臣膜皮及萬徹而誤呼萬均愴然曰萬均朕勲舊忽口其名豈死者有知冀此賜乎因命取焚之舉坐感歎弟萬徹萬淑萬備

萬徹與萬均歸高祖授車騎將軍武安縣公事隱太子太子誅萬徹督宮兵戰立武門謀而趨秦府眾失色乃示以太子首然後去與數十騎亡之南山秦王數使貸諭乃出謝王以其忠於所事不之罪也從李靖討突厥頡利可汗以功授統軍進爵郡公歷右衛將軍蒲州刺史副李勣擊薛延陀與虜戰磧南率數百騎爲先鋒繞

擊陣後。虜顧見。遂潰。斬首三千級。獲馬萬五千。封一子爲縣侯。改左衛將軍。尚丹陽公主。加駙馬都尉。遷代州都督。右武衛大將軍。太宗嘗曰。當今名將。唯李勣。江夏王道宗。萬徹而已。勣道宗雖不能大勝。亦未嘗大敗。至萬徹。非大勝。卽大敗矣。貞觀二十二年。以青丘道行軍總管。帥師三萬伐高麗。次鴨渌水。以奇兵襲大行城。與高麗步騎萬餘戰。斬虜將所夫孫。虜皆震恐。遂傳泊灼城。虜眾三萬來援。擊走之。拔其城。萬徹在軍中。任氣不能下人。或有上書言狀者。帝愛其功。直加讓勣而已。卽爲焚書。副將裴行方亦言其怨望。李勣曰。萬徹位大將。

8
8
8

軍親主壻而內懷不平罪當誅因詔除籍徙邊會赦還高宗永徽二年授寧州刺史入朝與房遺愛昵甚因曰我雖病足坐置京師諸輩猶不敢動遺愛曰若國有變當與公共輔荆王謀洩下獄誅臨刑曰萬徹大健兒留爲國効死安得坐遺愛殺之遂解衣顧監刑者曰亟斬我斬之不殊叱曰胡不力三斬乃絕萬淑亦以戰功顯歷右領軍將軍梁郡公暢武道行軍總管

萬備有至行居母喪廬墓前太宗詔表異其門以尚輦奉御從伐高麗李勣圍白巖虜遣兵萬餘來援將軍契苾何力以八百騎苦戰中槊創甚爲賊所窘萬備單馬

盛彥師

進救何力獲免仕至左衛將軍在武德貞觀時又有盛彥師盧祖尚劉世讓劉蘭李君羨等頗以功力顯而皆不終附于左

盛彥師者宋州虞城人少任俠隋大業末爲澄城長高祖兵至汾陰彥師率賓客上謁授行軍總管從平京師與史萬寶鎮宜陽李密叛謀出山南萬寶懼謂彥師曰密驍賊也以王伯當輔之挾思東歸之士非計出萬全不爲也殆不可當彥師笑曰請以數千兵爲公梟其首萬寶問計荅曰兵詭道也難豫言卽引眾踰洛水入熊耳山命士持滿夾道伏短兵溪谷間令曰賊半度乃擊

所部皆笑曰賊趨洛州何爲備此彥師曰密聲言入洛其實走襄城就張善相我據其要必禽之密果至彥師橫擊首尾不相救遂斬密及伯當以功封葛國公授武衛將軍鎮熊州討王世充也彥師與萬寶軍伊闕絕山南路世充平爲宋州總管始彥師入關世充以陳寶遇爲宋州刺史待其家不以禮及是彥師因事殺之又殺平生所惡數十家州人震駭皆重足立徐圓朗反詔爲安撫大使戰敗爲賊所執圓朗待之厚令作書招其弟使舉虞城叛彥師爲書曰吾奉使無狀爲賊禽誓死報國若宜善侍母勿以我爲念圓朗笑曰將軍壯士也置

唐紀

唐書卷一百一

之武德六年，圓朗平，彥師得還。高祖以罪誅之。

盧祖尚字季良，光州樂安人。家饒財，好施，以俠聞。隋大業末，募壯士捕盜，時年十九，善御眾，所向有功，盜畏不入境。宇文化及之亂，據州稱刺史，歃血誓眾，士皆感泣。越王侗立，遣使歸地，因署本州總管，封沈國公。王世充僭位，以州歸高祖，授刺史，封弋陽郡公。從趙郡王孝恭討輔公祏，爲前軍總管，下宣歙，進擊賊帥馮惠亮，陳正通破之。歷蔣州刺史、壽州都督、瀛州刺史，有能名。貞觀二年，交州都督以賄敗，太宗方擇人任之，咸以祖尚才備文武可用也。召見內殿，謂曰：「交州去朝廷遠，前都督

劉世讓
○○○

不稱職、公爲我行、無以道遠辭也。祖尚頓首奉詔、旣而託疾自解。帝遣杜如晦等諭意曰：「匹夫不負然諾，公旣許朕矣，豈得悔？」三年當召，不食吾言。對曰：「嶺南瘴癘，而臣不能飲，當無還理。」遂固辭。帝怒曰：「我使人不從，何以爲天下？」命斬朝堂。旣而悔之，詔復其官。

劉世讓字元欽，京兆醴泉人。仕隋爲徵仕郎。高祖入長安，以漳川歸，授通議大夫。時唐弼餘黨寇扶風，世讓自請安輯，許之。得其衆數千，因授安定道行軍總管，率兵二萬拒薛舉。戰不勝，與弟寶皆沒於賊。舉令至城下，紿說使降。世讓陽許之，至則告守者曰：「賊兵極於此矣，善。」